




ՀՈԳԵՀԱՆԳԻՍՏ ՄԱՅՐ ՏԱԺԱՐՈՒՄ՝ ՄԵԾԱՆՈՒՆ ՆԿԱՐԻԶ ՄԱՐՏԻՐՈՍ ՍԱՐՅԱՆԻ ՄԱՀՎԱՆ ՔԱՌԱՍՈՒՆՔԻ ԱՌԹԻՎ

Վեհափառ Հայրապետի բարեհաճ կարգադրությամբ հունիսի 11-ին, կիրակի օրը, Մայր տաճարում կատարվում է հոգեհանգրստյան մասնավոր կարգ՝ հայ ժողովրդի տաղանդավոր զավակ, մեծանուն նկարիչ Մարտիրոս Սարյանի մահվան քառասունքի առթիվ:

Ժամը 11-ին սկսվում է ս. պատարագը: Պատարագում է տ. Արսեն վրդ. Բերբերյանը:

Ժամը 12-ին Վեհափառ Հայրապետը, շրջապատված բարձրաստիճան հոգևորականներով, առաջնորդվում է Մայր տաճար:

Հավարտ ս. պատարագի ընթերցվում է Վեհափառ Հայրապետի ցավակցական կոնդակը՝ գրված Մարտիրոս Սարյանի մահվան տխուր առիթով, որը լույս է տեսել «Էջմիածին» ամսագրի 1972 թվականի Ե համարում (էջ 8):

Ապա Վեհափառ Հայրապետի բարձր

նախագահությամբ կատարվում է հոգեհանգրստյան մասնավոր արարողություն:


Երգեցողությունը կատարում է Մայր տաճարի երգչախումբը՝ Խորեն Մելիսանեչյանի ղեկավարությամբ և երգչուհի Լուսինն Զաքարյանի մեղակատարությամբ:

Ս. պատարագին, ինչպես նաև հոգեհանգրստյան արարողությանը ներկա են լինում մեծ նկարչի հարազատները, բարեկամները և նրա արվեստի երկրպագուները:

Հոգեհանգստյան արարողությունից հետո Վեհափառ Հայրապետը առաջնորդվում է Վեհարան, որտեղ ջերմ սիրով ընդունում է Մարտիրոս Սարյանի սգավոր ընտանիքի անդամներին ու բարեկամներին և մխիթարության ու սիրտհանգիստի խոսք ասում նրանց:

Թող Աստված հոգվո հանգիստ պարգևի հանգուցյալին, թող անթառամ մնա նրա լույս հիշատակը:





ԿԵՉԱՌԻՍԻ Ս. ՀԱՐՈՒԹՅՈՒՆ ԵԿԵՂԵՑԻՆ

(Գործ՝ ֆրանսաճայ ծանոթ ճկարիչ Զարեմ Մուրաֆյանի, մկեր Մայր Աթոռին, չափսերը՝ 93X78 սմ)